

R2226
209
R22212
2

同治丙寅冬刊

增輯傷寒類方

古吳潘氏藏板

曩余官京師稔潘君偉如之孝以兄
子締姻好時偉如讀儒門事親書知
醫未精也嗣習西路同知獄秩卑不足
展抱負慨然曰活國非我子獨不能
活人乎爰稽古今歧黃家言研究
之由博返約探本窮源遂契靈素難

經冰旨而窺仲景之奧值粵氛起驛
路阻遣戍之犯昌禁拱極城多疾病
偉如自按視處方親予之湯獄皆死
者由是遠近爭求療治罔不應亦罔
不效名噪甚咸崇五年七月

名至系道

壽康宮視脈迺奇矣其令天津牧昌
平也皆廣施良藥以已境內之疾迺擢
天津守兵火新經疫大作偉如妙
製一方鏗板傳布全活無算今偉
如以監目典檢東海誠和中外晉都轉
銜受任日重駸々乎收擴其向之活人

者而活國矣然活人之志不稍懈敢
所讀傷寒類方暨神農本草學長沙
歌括傷寒附法都為一編將付手民以
便後學補習適余玉之果出以相示
且曰仲景傷寒論與金匱相表裏
學者必先讀傷寒論次讀金匱方

識治又曰傷寒論之六經即百病之
六經病雖百變經則有常凡臨證惟
以六經為主治病必無差謬若不究病
根祇以多熱為陰虛多寒為陽虛特
偽術耳孫愈病手為憶丁巳戊午間
偉如房都門士大夫競相延致他

醫不能治之疾得偉如一方即主起曾
目擊其拯救之神而今所纂述與其
持論乃平易若此可云醫無奇術惟
在取法乎上熟讀深思毋泛驚毋嗜
奇毋惑於邪說庶幾古昔活人之法日
益講明而天下可無夭札願以告世

讀是書者同治四年八月下泮州
安沈丙鑿敘

傷寒類方一書。吾鄉先生靈胎
徐氏所輯也。其意以病雖百變
而施治各有主方。方各異名。而
括之不過十二類。知其所類。而
因病情之變遷。以為加減輕重
若網在綱。有條不紊。洵岐黃家

之津梁也。余奉仲師書二十年。得先生是編而益悟治法之有一定。不欲私其所得。因鐫板以廣其傳。每方之上附以長沙歌括。暨神農本草經者。曰經方用藥。悉根於神農本經。與他書所

論藥性不同。故備載之。俾毋滋
讀者之感。先生原序一則。仍以
弁諸簡端。不敢沒古人之美也。
至近時治傷寒者。多主河間兩
解。及景岳內托之法。病者氣體
各有承宜。未可偏執。故以

御纂醫宗金鑑。所載傷寒附法。
及古閱陳氏傷寒附法。補附刊
於後。以昭大備云。古吳潘蔚跋後。

原序

王叔和傷寒例云。今搜採仲景舊論。錄其證候。診脈聲色。對病眞方。擬防世急。則知傷寒論。當時已無成書。乃叔和之所搜集者。雖分定六經。而語無詮次。陽經中多陰經治法。陰經中多陽經治法。叅錯不一。後人各生議論。每成一書。必前後更易數條。互相訾議。各是其說。愈更愈亂。終無定論。不知此書非仲景依經立方之書。乃

救。誤。之。書。也。其。自。序。云。傷。天。橫。之。莫。救。所。以。尋
求。古。訓。博。採。眾。方。蓋。因。誤。治。之。後。變。症。錯。雜。必
無。循。經。現。症。之。理。當。時。著。書。亦。不。過。隨。症。立。方。
本。無。一。定。之。次。序。也。余。始。亦。疑。其。有。錯。亂。乃。探
求。三。十。年。而。後。悟。其。所。以。然。之。故。於。是。不。類。經。
而。類。方。蓋。方。之。治。病。有。定。而。病。之。變。遷。無。定。知。
其。一。定。之。治。隨。其。病。之。千。變。萬。化。而。應。用。不。爽。
此。從。流。溯。源。之。法。病。無。遁。形。矣。至。於。用。藥。則。各

有條理解肌發汗。攻邪散痞。逐水驅寒。溫中除熱。皆有主方。其加減輕重。又各有法度。不可分毫假借。細分之不外十二類。每類先定主方。卽以同類諸方附焉。其方之精思妙用。又復一一注明。條分而縷悉之。隨以論中用此方之症。列於方後。而更發明其所以然之故。使讀者於病情藥性。一目顯然。不論從何經來。從何經去。而見症施治。與仲景之意。無不吻合。豈非至便之

法乎。余纂集成帙之後。又復鑽窮者七年。而五
易其稿。乃無遺憾。前宋朱肱活人書。亦曾彙治
法於方後。但方不分類。而又無所發明。故閱之
終不得其要領。此書之成。後之讀傷寒論者。庶
可以此爲津梁乎。

乾隆二十四年歲在屠維單闕陽月上浣洄溪
徐大椿序